

Sungaartuaraq killavaarteq

Qallunaatut atia: Bidende ranunkel

Latiinerisut atia: Ranunculus acris

Tuluttut atia: Meadow Buttercup

Gruppi: Naasut

Naasoqatai: Naaqqaatit marlunnik pilutallit

Ordeni: Sungaartuaqqakkut

Ilaqutai: Sungaartuaqqat


Sungaartuaraq killavaarteq naasarpoq sivinganerni, orpigaqarfinni nunamilu naggorissakkami aammalu Kujataani savaateqarfiit narsartaanni.

Kanaartaa pilutaalu

Kanaartaa mannguminiit avalequtsersortoq meqqoqarpoq. Pilutaasa atai siilikiusanik meqqoqarput sippaqarlutik sinai killavaartut. Tunnganermikkut pilutai takisuunik kanaartaqarput, kanaartaata pilutai naatsut imaluunniit sipineqanngitsut.

Sikkersui inerittuulu

Sikkersui 10-25 cm-isut silitsigisut angisuunik 5-nik sungaartunik pilutaqarput. Sikkersoqarfiani sikkersut 15-usinnaapput. Inerittua tassaavoq qaqortarissat arlallit tamarmik immikkut inngerartallit. Kanaartai tamarmik immikkut 1-2-nik sikkersoqarput.



Paasissutissat

Naaffia: Sumi tamaani
Ukiuni arlalinni uumasarpoq
Takissusia: 5-15 cm
Pilutai: Amitsukujuut
Sikkertarpoq: Juuli-aggusti
Inerittua: Naatsiassaasivik
naasussalik

